

## **Attende Domine**

1<sup>st</sup> J: D

*Attende Domine et miserere,  
quia peccavimus tibi.*

**1.** Ad te Rex summe, omnium Redemptor  
oculos nostros sublevamus flentes:  
exaudi, Christe, supplicantium preces.

*Attende ...*

**2.** Dexterâ Patris, lapis angularis,  
via salutis, ianua caelestis,  
ablue nostri maculas delicti.

*Attende ...*

**3.** Rogamus, Deus, tuam maiestatem:  
auribus sacris gemitus exaudi:  
crimina nostra placidus indulge.

*Attende ...*

**4.** Tibi fatemur crimina admissa;  
contrito corde pandimus occulta;  
tua, Redemptor, pietas ignoscat.

*Attende ...*

**5.** Innocens captus, nec repugnans ductus,  
testibus falsis pro impiis damnatus:  
quos redemisti, tu conserva, Christe!